



*Odbor za urbanizam i upotrebu lokalnog zemljišta*

Broj: 04-GV-04-1483/23  
Sarajevo, 10.10.2023. godine

*ZAPISNIK O RADU  
31. SJEDNICE ODBORA ZA URBANIZAM I  
UPOTREBU LOKALNOG ZEMLJIŠTA  
održane 10.10.2023. godine*

Prisutni:

1. Ismir Smajić, zamjenik Predsjedavajuće
2. Elvedin Korora, član
3. Samir Bejić, po ovlaštenju umjesto Danijele Šahat, članice
4. Fikret Jakupović, član
5. Sandra Toskić, članica

Odsutni: Salih Išerić, član (najavljeno odsustvo) i Husein Mirašić, član (najavljeno odsustvo)

Sjednici iz Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuje:

- Arijana Musić, ispred Gradske službe za urbano planiranje, investicije, stambene i komunalne poslove

Zamjenik Predsjedavajuće Odbora je u 15.05 sati otvorio sjednicu, pozdravio prisutne i utvrdio kvorum za punovažan rad i odlučivanje. U nastavku je upoznao članove Odbora da je Gradsko vijeće Grada Sarajeva na 31. usvojilo Odluke kojima se Aida Koluder Agić razrješava dužnosti članice, a Husein Mirašić bira za člana Odbora za urbanizam i upotrebu lokalnog zemljišta.

Sjednica je započela razmatranjem i jednoglasnim usvajanjem Zapisnika o radu 30. sjednice Odbora za urbanizam i upotrebu i upotrebu lokalnog zemljišta, održane 12.09.2023. godine.

Zamjenik Predsjedavajuće pozvao je članove Odbora da predlože predsjedavajućeg ili predsjedavajuću Odbora za urbanizam i lokalno zemljišta umjesto razrješene Aide Koluder Agić.

Sandra Toskić, članica Odbora je predložila Ismira Smajića za predsjedavajućeg Odbora za urbanizam i upotrebu lokalnog zemljišta Ismira Smajića a Fikreta Jakupovića za zamjenika Predsjedavajućeg.

Na prijedlog Sandre Toskić, Odbor za urbanizam i upotrebu lokalnog zemljišta je jednoglasno usvojio sljedeći **zaključak**:

Ismir Smajić izabran je za predsjedavajućeg Odbora za urbanizam i upotrebu lokalnog zemljišta a za zamjenika Predsjedavajućeg Odbora izabran je Fikret Jakupović.

Ismir Smajić nastavio je vođenje sjednice u svojstvu Predsjedavajućeg Odbora.



Na prijedlog Predsjedavajućeg Odbora, jednoglasno je usvojen sljedeći **dnevni red**:

1. Nacrt Programa rada Gradskog vijeća Grada Sarajeva za 2024. godinu
2. Tekuća pitanja

### **TAČKA 1.**

#### *Nacrt Programa rada Gradskog vijeća Grada Sarajeva za 2024. godinu*

Uvodno izlaganje podnijela je Arijana Musić, ispred Gradske službe za urbano planiranje, investicije, stambene i komunalne poslove.

U diskusiji su učestvovali pristuni članovi Odbora.

Samir Bejić, prisutan po ovlaštenju umjesto Danijele Šahat, članice je u 15.20 sati napustio sjednicu zbog ranije preuzetih obaveza.

Poslije uvodnog izlaganja i diskusije, te sažetka Predsjedavajućeg, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra Nacrt Programa rada Gradskog vijeća Grada Sarajeva za 2024. godinu kako je utvrđen i uputi ga u javnu raspravu, uz uvažavanje iznesenih sugestija Odbora i intervencije predstavnice Gradonačelnice, kako slijedi.

1. Teme programirane u Oblasti IX - UPRAVLJANJE, FINANSIRANJE I UNAPRJEĐENJE DJELATNOSTI I OBJEKATA GRADSKO-KOMUNALNE INFRASTRUKTURE U SKLADU S USTAVOM KANTONA SARAJEVO, A NAROČITO: GRADSKA GROBLJA, MOSTOVI OD POSEBNOG ZNAČAJA ZA GRAD SARAJEVO, GRADSKA ULIČNA RASVJETA I GRADSKI PARKOVI;
  - Informacija o realizaciji projekta izgradnje tekućeg održavanja biciklističke staze na području Grada Sarajeva, i
  - Informacija o realizaciji projekta izgradnje pješačkog mosta iz ulice Bihačka, koje se upute Gradskom vijeću Grada Sarajeva na razmatranje, dostaviti na razmatranje i Odboru za urbanizam i upotrebu lokalnog zemljišta.
2. U Oblasti VI - UTVRĐIVANJE I PROVOĐENJE POLITIKE PLANIRANJA I UREĐENJA PROSTORA I ZAŠTITE OKOLIŠA NA TERITORIJI GRADA SARAJEVA I RJEŠAVANJE U UPRAVNOM POSTUPKU U OBLASTI GRAĐENJA, U SKLADU SA ZAKONOM,
  - u **tački 2.** Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) do 2036. godine i obaveznoj primjeni mjera zaštite ventilacionih koridora, mijenja se naziv tako da glasi "Informacija o ostvarenom napretku u procesu stvaranja uslova za donošenje regulacionih planova iz nadležnosti Grada Sarajeva, i rok tako da umjesto „III, VI, IX. i XII.” glasi „kad se steknu uslovi“.
  - u **tački 15.** Izmjene i dopune Regulacionog plana „Soukbunar“; Prijedlog; mijenja se naziv tako da glasi „Odluka o usvajanju Regulacionog plana „Soukbunar“ sa Odlukom o provođenju Regulacionog plana „Soukbunar“ i forma tako da umjesto „Prijedlog“ glasi „Nacrt“.
  - **tačka 19.** Elaborat lokacijama za postavljanje bilborda, kioska i ostalog mobilijara u pojasu korita rijeke Miljacke, briše se;

## *TAČKA 2.*

### *Tekuća pitanja*

Poslije diskusije, na prijedlog Predsjedavajućeg, Odbor za urbanizam i upotrebu lokalnog zemljišta, jednoglasno je usvojio sljedeći **zaljučak**:

Odbor za urbanizam i upotrebu lokalnog zemljišta poziva Predsjedavajućeg Gradskog vijeća i Gradonačelnicu da prisustvuju sjednici ovog radnog tijela kada se bude razmatrao Nacrt Programa rada Gradskog vijeća Grada Sarajeva u javnoj raspravi ili prilikom razmatranja Prijedloga Programa rada Gradskog vijeća Grada Sarajeva za 2024. godinu.

*PREDSJEDAVALJUĆI ODBORA*

*Ismir Smajić, s.r.*

Predsjedavajući Odbora je u 16.12 sati zaključio rad 31. sjednice Odbora za urbanizam i upotrebu lokalnog zemljišta Gradskog vijeća Grada Sarajeva.